



梧溪集卷二

江陰王

逢原吉

題徐孺子小像

士何以居乱世兮言欲遜而行危苟背夫聖哲之明訓兮
 罹刑戮也固宜昔漢室猶大木將顛兮非一繩之能維故
 先生有見於斯兮蕃瓊辟而悉辭蚌以珠而腹披兮孰若
 悶未于川坻金不為燥濕而變渝兮常介然而自持夫窮
 達之道同兮樂天禽而烏悲矧高風軼節之不可攀兮足
 以振頑懦而羞汙卑像載拜酒載薦兮微先生而吾誰
 師

懷賢 懷王光大引

光大宣州太平縣人世大族從文節汪公明春秋科舉
罷學古詩文於道有神交之道曰慕梁鴻之懷高恢也
作懷賢一章

姓吾同分道吾同神相交兮見無從孰謂今人兮無國士
之風

懷德 懷王道山有序

王先生諱森字道山建德人性机警夙喪父得廢疾母
患其生業未植聞有道士黃雲西自陝來推人翁若神
俾先生贅見之白其故黃慨然納為弟子盡傳其學後
術大行母賴以壽終江西省達官側室被幽置數年一

日召先生推其翁先生曰是婦當因子而貴其且容德全
真賢媛也達官感悟見其子歡如初內御史篤敬夫之
父靖江公居信州永豐素無子後得內御史於其侍婢
母夫人嫉之先生時挈家是邑得所生辰輒賜言曰異
日狀元也夫人知愛若己出年十九果及第世服先生
長者也至正壬午逢侍先君之永豐耆首幣見問所與
喜謂曰子姑習儒俟子旋里當不辭千里行以授所蘊
竟如其言由江陰三閱月逢送至錢塘先生訣別吾瞑
目有日子行負大名幸毋忘逢受命惟謹先生抵家大
會親友凡七日無疾而卒壽六十七子三先生顏古恠

明洪範易素問公卿道過信率遣使致書饋或即其廬
禮焉先生多本君平之言答之始先生薄游永豐之人
尊信恐後為築室娶婦買田園畀之或歎 出閭巷人
爭候歎間留旬日而返犹洛人之事康節翁也如是者
三十年特為逢一出及还遠長逝嗚呼哀哉作懷德一
章

髮種：兮衣巾道吾傳兮忘吾負來為死別兮畢初志山
追循路兮再見無因於乎孰謂先生兮今世之人

命婦祠二首

涼風灑魚軒纖月照蛾眉瑤琴歇清奏更点何其遲鯤鯨

深跋浪良人海中坻不死盜賊手為是千金兒隱忍就功
名末路將有為念昔從征日堂下天王師星羅鳥蠶船雲
布蚩尤旗號令非已出三軍血流漸秋高氣爽然蕭藿零
露濕河漢橫閣道孤鴻鳴多時夜闌燈結花試卜啼來期
○寒月炤象服乃在深房攏蘭蕤馥甲帳憂心独冲：良
人忠孝門載筆明光宮日賜水晶盞夜繼蓮炬紅推恩到
箕帚双闕尤穹隆燕鴻天北南牛女河東補袞無失遺抱
衾甘長終兵戈寢蜂起篁竹嘯悲風山川路相繆十信还
一通雲臺漢光業石鼓周宣功相望善終始日冷青：松

舊衣篇唁失位者

舊衣丘中麻新衣陌上桑。蚕輸繭絲滌織雲錦裳麻成
布在軸皎白如雪霜皎白貧賤宜妻着奉姑嫜夫今住上
公紈綺魚貫行身披龍五瓜賜自吾天王既貴習乃移舊
衣棄固當沐猴且冠帶粵臺尚銀黃腐儒餘未書芟製松
桂航薄遊滄溟岸事至涕忽湧狐裘三十年德盛國益強
青氈一微物偷兒亦驚惶願言收所棄澣濯還暉光顛倒
憶鷄鳴厭泥防露滾梳筍復虛設鼠樹卒壞傷春風花落
盍記双上堂古來弊惟蓋犹備狗馬藏新衣窄徒短舊衣
寬較長間歌旧衣篇旧衣詎終望忘

奉謝楊山居宣慰寄遺蛋紙

明公枉珍遺開緘霜雪色勻非玉女春必假天孫織刺藤
失浮薄海苔無光澤元是祕府藏親向御手得秋風柿葉
館筆研久荒竈飛米一朶雲列第獸金碧如何上所賜波
及滄浪客焚香再封表還坐翻太息盜發唐昭陵無復晉
墨蹟綠頌茲抱貞素恬易世閱代易尚憐先代時龍翰翰溢邦國
蚕絲綠盡輸征鵝結曾不暢吾元本恭儉世祖膺聖德羊鞞
代白麻遂爾混區域侈用幾何年離亂亦以極明星爛河
嶽鷄叫扶桑白當寫大宝箴直上玉階側詎敢輕点泥令
人却前滌

無家燕

嗟：無家燕飛上商人舟商人南北心舟影東西流芹漂
 春雨外花落暮雲頭豈不懷故栖烽暗黃鶴樓：有十二
 簾一：誰見收衆難被焚蕩獲翅亦斂禁含情眇鬼蝶失
 意依訓猴茅茨固低小理勢難以留昔本烏衣君今學南
 冠囚燕：何足道重貽王孫憂此詩為淮楚陷沒諸藩王避難浮海
 而作

題天台陶公儀母趙縣主德真墓志銘後趙系出汗
 宋至今人猶以縣主稱云

陶母趙宗室貞靜白雲姿明璫秋水珮幼小比光輝自通
 良人姓三星天一涯孔雀金繡屏十年夢差手製丹霞
 帔及嫁不稱時造次井白間跬步必中規良人既祿仕婉

婉黃髮期落月鑿綺疏春霜薄羅帷生而賢且淑烏用壽
 考為銘旌書縣號琬琰瘞華辭念昔岐山鸞其德未云衰
 玉風遽淪變撫春嘅如斯烏雀橋銀河青鳥使瑤池何如
 五采羽來儀竹梧枝梧竹日夜長雨露深孝思孝思人子
 慕為述二南詩

古孝苗贈軍曹陳貞軍曹例視為軍役不丁憂貞獨
 能行之貞睦人

走有跪乳瓶飛有反哺烏誰使人無朝不以喪制拘卓哉
 軍曹椽嘗事鄉大儒親老得抱闕尚敢辭卑污寒城落葉
 幕聞赴即就途公戾苦遮留泣告奚他圖孝居百行首違
 忠孝烏翰三軍各縞素送別恐踟躕我適遇諸野感動復

歎吁國家猶大木百世雨露濡不知衛本根立見枝悴枯
吾元敦孝治王風諒交孚苟能外夷俗悖犯無足誅著茲
古孝篇何當鑒狂愚

秋夜歎

大星芒鬣張小星光華開皇天示兵象勝地今蒿萊河岳
氣不分燭龍安在哉參贊道豈謬積陰故遲回踈風夜蕭
蕭野燐紛往來安知非游魂相視白骨哀汨汨飲馬窟雲
冥望鄉臺於時負肝胆慷慨思雄材

積雨齋居

積雨生夏寒盛陰失朝景白鳥巢依閣青梧葉垂井函觀

知候變遠引忘世梗淮水方浸滂吾甘繫烟艇

獨夜

獨夜臥齋館斜月半窓白露草濕熒々水禽啼噴々神超
赴清漏慾寡忘久客蓬萊在市朝弱水非所隔

帖侯歌有引

昌國州達魯花赤高昌帖木兒平章買住之猶子也海
寇犯境侯連与戰破之衆寡不敵或勸侯遁去侯曰是
吾死所也遂死之江浙省叅政樊執敬為文遣使致祭
請謚于朝逢為作歌云

仙居縣丞寇海邦白晝突入于茅鏃帖侯親騎大宛馬快

劍躍出蒼龍，鬚張皆裂赫。如帟殺氣雄，風助虓武鬪。髀
擲地血飛，兩短兵未接。冠偃鼓天南，弧矢夜掩光。狼角櫛
赤雲，玄黃洪濤鯨鯢去。咫尺再戰身，布城存。艤艘千百
水犀手主者，誰歎仆旗走。岳立不轉鎧，殺之殉忠國家良。
亦厚君不見，台州牧長金兜鍪。整氣節自是名，臣流情鍾兒
女。挫堅銳卒墮賊計空，貽羞男兒真偽。那料得長松古栢
寒增色，鴻飛冥冥我何及。落日荒山淚橫臆。

孝僧行

天姥山中好慈竹，上慈烏鴉並宿。小鴉飛白鸚鵡學念
觀音，淞水曲觀音念得孝感生。一啄一飲難為情，故園花

滿紫荆樹，春雨春風啼野鷺。僧康辭親今十載，堂上手縫
衣帶在。關梁絕阻音問疎，霜露侵尋鬢根改。鬢根改兒身
長兒身後長無羽翼兒心不定空飄揚，祇殘瞻雲隻眼淚。
夜灑黃金獅座傍。

孟郡王印我有引

宋太師信安郡王諱忠厚六世孫崇明同知集復得王
所佩玉印於中吳里第古墻下逢歌曰

黃葉道左秋風前，故人解后何愴然。手持古印不敢釋，却
立載拜徵詩篇。銅空青几風雨過，出故居墻下土堂燕。頻
移百姓家官物，犹存郡王府榮朝。前後十六王外戚功臣

三四數至今孟氏孫獨賢為有詩書繼邠魯我試拂拭生
耿光篆文蔚然龍鳳驤歸而宴之金玉相公侯復始世其
昌

則天皇后玉璽歌楊山居宣慰徵賦

皇朝內府多舊璽盡被昇太師作鷹墜

至元伯顏丞相黨臣勢焰

同薰天六得分為玉押字武后佩璽雪瑩如璞薄文深難
改圖當時還收藝文監此獨善後咸驚呼唐家諸陵寶氣
息后墓至今華表直天遺尤物登表者我歌君聞秋四壁
月落鷄鳴大江白

松石歌壽劉澹齋總管

吾聞巫山

在虜州

之上松林稠樛枝連綫陰蔽牛儲英孕秀

三千秋精靈夜逐仙人遊仙人氏葉喬松倚栖神鍊魄道

並修功成朝帝白玉樓鷄犬亦得沾餘休彼辭斧斤謝薪

樛化為吳石森琳球好事深入窮冥搜不遠千里負劉侯

劉侯置之軒檻側波濤之痕雲霧色盤根錯節不肯直戴

癭啣瘤裁咫尺環竒合有神護惜偃蹇欲每天終極闔闔

風來翠欲滴昆侖日下光相射春水寒盡土花蝕驥伏龍

驤勢俱敵時青嵐紫烟巢沆瀣淋漓收不得翻愁雷公

鞭霹靂吼向鴻濛女渦國劉侯自是天門客大手真能補

天圻乘槎路遠銀潢隔老臥江南一區宅賓筵大開浮大

白香重光寒凝琥珀霓裳曲停第三拍听我狂歌墮巾幘
松兮石兮壽千百

故將軍歌有引

故將軍歌哀上萬戶蒙古氏丑廝侯也侯字靜如以世
勲佩三珠金虎符官昭勇大將軍鎮江陰謙恪高義人
悅慕之至正十一年淮西亂督軍九江取道安慶時湖
廣威順王在道聞侯頓兵即帳下以退守地虛弱強侯
為張飲之會宣讓王遣使諭旨曰安慶控江淮要衝命
侯就鎮前後出師凡二十九捷十二年冬寇悉衆水陸
並進侯連破之翼日復大破輕舟追後中流矢卒二王

哭之哀給白銀五十兩賻其葬先是逢舟宴侯第時海
內無事嘗謂侯曰太歲在辰侯當保障一方戰勝恐後
不利盍慎諸侯曰大丈夫戮力王室死無憾也侯事親
孝征閩寇衛濱咸有功云

將軍舊乘青驪驪蒼龍金帟凌輝光揚旌伐鼓靖閩徼山
鬼迸落黃茅崗長鯨喊呀欲東啣以身扞海民樂康十年
楊柳陰環堵一夜首藉空沙場淮江蕭條咽流水殺氣妖
氛亘彭蠡提兵假道古舒州親王遮留勞玉趾玉言三邊
盜緣蟻將軍不止我其死月氏髑髏酒數升諾重秦華輕
丘陵儲胥孤懸使襟守睥睨危恙期先登雀蒲獵、開金

翅篁竹深：攢鉄菱長驅大捷二十九生傳傳千人梟萬首
猙獰健兒駿奔走電掣雷訇若神授東南瘡痍合未蘓終
鳥性命豺狼有仲冬炎風動地吹太陽血赤芒星垂將軍
百射百中之弓機矢鈞天爾為黃蕉丹荔芳菲保障千里
今誰祠霜繁雪稠候我思

送宋宗道歸洛陽

選郎分手楚天涯萬里春明穩到家庭下已生書帶艸馬
頭初見來囊花汁漉淡漫經梁苑星斗參羞羞犯漢槎中國
未應風俗異舊京寧覺路途賒鮫宮獻珮當明月鵠殿吹
笙隱太霞貂弊世憐蘓季子賦成人哭賈長沙若為撫事

傷遺跡正用懷才待物華聞道鄉閭諸父母杖藜扶期看
我馬香車卿

寄謝靳士達分憲過舉遺逸

朱紱銀魚古諫臣紫髯駘馬異常倫百司揚厲風霜節一
道涵濡雨露展幕靜栢陰高轉午庭深花萼暖暉春臺評
屢動天朝聽社署曾聯宰相烟雲路久隨鵬直上泥塗今
見蠖初伸行囊何有惟書劍歲晚相携願卜隣

毗陵秋懷有后序

老兵為說劉都統起坐舟中思滿襟玄武城危寒日短紫
駞塵暗朔風臨江山不盡新亭淚天地長懸即墨心宋祚

未移中道死至今劍井蟄龍吟

至正甲申秋八月逢金陵歸泊常城下有老兵能道劉
都統事劉名師勇山東安縣人少英銳涉獵經史包恢
平長興盜師勇與有功授都統制守濠至元十一年王
師渡江過常州時宋德祐元年春三月知州趙汝鑿遁
通判錢彬以城降師勇前已入衛至是與都統王安節
殿帥張彥受命克復之以姚訐知州事曰共樹柵鑿濠
為扞禦計夏五月安節自壽州出迎王師戰不利彥
尋以衆降且迫彥招訐、罵曰若倉國厚祿不能死難
反說我耶狗彘辱吾甚矣唾之冬十月大軍圍城數重

宋丞相文天祥發兵來援連戰不利降呂文煥射書
入城諭以禍福流矢中之文煥怒白伯顏丞相建鈞援
之屬晝夜力攻餘五十日師勇登埤表拒戰且曰吾城
即破金山長矢丞相因讖其語命昇金山寺沙門問計
沙門實無計猥言城狀如龜擊其尾則四足披露矣十
一月用牛馬革為屋以蔽矢石趙死士相啣輦土填塹
灌脂砲中焮焰枯發急攻南門城遂陷訐戰死安節被
執終死不屈師勇從八騎手殺哨騎數十百人易其衣
甲以混北軍裨將張超墜馬師勇斬其頭以給衆曰亟
追劉都統所向披靡得從問道赴行在尾二王入閩至

紹興情慙疽發背卒江陰孫謨所傳亦然師勇嘗軍江陰
悟空寺時烈寒冰血膠手湯解之射一箭于寺塔意氣
慷慨復題詩于壁乃去孫能記誦之或曰國初吳城僧
舍有一老僧七尺許居十餘年未嘗向北坐人詰其姓名
輒不荅死之日僧開其篋笥得師勇官語雀豈其人耶抑
其騎士耶不可考矣逢論曰趙宋苟安吳會奸臣擅叔國
以殄瘁天兵所臨望風潰散襄陽一文煥以孤軍抗守
六年卒以援兵不至而降失江漢蔽目以危亡師勇與
嘗等率創殘之卒以禦百万之師雖古雄烈茂以加此
嘗之死綏亦足愧死汝鑿彬彥之徒矣師勇智略絕人
其軼出重圍可謂驍將戰之不利天也扈王入閩猶昔人
即墨之志事之成敗君子有不論焉文丞相嘗謂滿城
皆忠義鬼是誠德化所致若安節出處大略更強毅不
屈凜然有烈士之風嗚呼偉哉

送鄭子羽赴太醫院辟

天醫臺院五雲深曳紫腰犀襟珮音中使日供駝背酒
六官時賜裏號金丹砂鍾乳來南國赤箭青芝滿上林
知爾去鄉承荐剡贈言慚比大和箴

寄謝貞司業枉訪

碧鷄坊裏皇華使沉香亭前宮錦袍五月江城駐車轍百

歲老翁觀節旌不及將迎具茶果應訝環堵騎蓬蒿至今
驪珠照篋笥夜、令人魂夢勞

贈顯上人

陰、萬木蔭孤村鷄犬無聲日閉門河海自隨儒化遠山
林惟識梵王尊石潭龜上青蓮遍玉函虫書貝葉昏偶說
漢家來白馬欲從葱嶺訪崑崙

夜宴葉氏庄曉登悠然樓作

石尺飛樓倚碧湍六峯秀色遠闌干杏花落盡東風惡燕
子歸來社雨寒夢裏香烟生繡幌酒醒紅蠟賦銅盤一春
樂意朝來好千里家書席上看

送朱自明辟闈憲奏差

閩中烏府小清都列郡仙壘紫翠紆王化直來天北極文
星多聚海南隅暖塵花氣隨駝馬春日榕陰滿鷓鴣况有
翰林持使節憲即應得效馳驅翰林指歐陽學士時除闈使

奉簡劉澹齋總管

南極天高動碧奎青山落日夢金閨花間春並連錢馬竹
下晴看吐綬鷄漢室二疏遺跡在建安諸子大名齊欄干
角畔梧桐葉吟得宮詞細、題

送吳伯顯遊武當山得試心石命題

紫霄之巖千仞高上有一石懸根牢劍客無地露肝膽肉

身昔年生羽毛北極氣危夜氣肅中州豫雍風物豪送君
此去攬神秀應鄙望天隻眼勞

夜宿宗陽宮簡俞明元縣尹時自德興棄官將歸吳

門

六月仙家冰雪壺一簾荷氣簟紋鋪圖書天府占東壁道

德清光揖老儒五柳傳成超晉宋三苗民化樂唐虞公嘗

幕湖即歸舟誰盡傳經礼玉珮金魚擁道隅

奉題先世所藏嚴子陵小像有後跋

千仞臺臨七里灘羊裘鶴髮老魚竿客星帝座今天象穎
水箕山並曉寒遂起後塵甘黨錮尚存餘烈愧南冠桂藜

奉尊蘋花薄悵望高風一羽翰

客星犯帝座當時天象已示光武之為帝座子陵之為
客星太史又奏如此雖讓萬乘位與之不屑也博士范
叔之奏固謬拜子陵諫議大夫不大失歟然則子陵蓋
巢許其人也

題馬洲書院有序

馬洲書院者孔聖五十二代孫元慶昆季所建也其五
世祖若罕高抗不群長於春秋當宗南渡自闕里將之
衢留滯泰興見河流達南江詢之老人曰此龍開河也
西北通淮泗曰嘆曰吾洙泗龍泉之支流其在茲乎遂

築室河上與其子端志各授弟子業從遊日衆乃有菑
田百畝人助以力官復其稅戒子孫治生勿求富讀書
勿求榮邑大夫嘉之易名龍開河曰敬教示崇化也年
六十卒塋河之陽端志克守父道薦辟不就淳祐元年
冬邑燬于北兵元度避地是洲咸淳間書院落成教授
復如初然皆無後今崇聖寺旁惟破屋蔓草遺像
瓦爐而已逢悞变迁殆盡故叙其槩于壁間庶後之起
廢者得以考云詩曰

蚪斗秦皆廢灵光魯獨存豆籩漂海國丹雘暗淮村苔蘚
花侵礎蒲蘆葉滿門擁青春深霧潦白日老乾坤德化三王

並威儀百代尊郊麟初隱遁野兕遂崩奔先輩俱冥漠諸
生罷講論斷編塵樹冷遺像網虫昏盡變衣冠俗終歸礼
義源江南游學士瞻拜散忘言

送郡知事李仲常還金華

列郡歌岑睦孤城頌李膺文華仙掌露人品玉壺冰畫本
黃荃學詩兼畢耀能關河千里道風雨十年燈薦鶚知無
黍登龍貴早承翔雲低紫禁東壁映青綾郎署新帷幄儒
門古豆登鼉梁初隱見羽檄遂飛騰軍事諸曹服元僚太
守稱芙蓉秋獨臥驃騎日同興衆仰寬民力誰堪作帝肱
掃除塵頊洞屏蔽雪侵陵野戍銷鋒鏑田家罷棘矜昆侖

天柱正宸極泰階升頤志心常切多君興遠乘崇桃紅霧
歛豐艸綠波增喻蜀漢司馬歸吳張季鷹宦情輕比蛇行
色澹於僧三洞金晶羨淩溪白練激過家饒賞咏來紙細
緘滕

奉題薛茂弘所示張仲舉承旨藏經序銘後 序銘附

北斗道經一卷故太史清江范曄所書貴溪薛御史奉
而藏諸禹穴承母命也母倪姓諱瑞貞世大族生于至
元之庚寅生之夕父母覩北斗光燭於庭故長而事斗
極虔日誦其經年十九歸薛昶氏昶早卒時甫二十孀
節卓偉諱毅夫詩禮為名士毅夫一日過清江謁太史

告以故太史為書經傳歸遺母得之喜曰此夜夢汝
執經我側今致此非偶然也吾百歲後可藏諸名山慎
毋忘登毅夫終母喪乃上會稽詣禹穴藏經已而屬太
史氏襄陵張翥為之銘曰禹陵之洞陽明虛中閔玉
匱遁甲圖孰敢窺之神所殂有孝子毅精誠孚斗七宿
經史博書玄默揖提月在如翥已作銘古作謨歷厥世
百文弗渝後有道者其徵且

薛母高門女生時斗燭庭紅顏斑竹淚白首藥珠經崔繞
香千匝龍辭海獨聽妙音遺香眇陰德著幽冥月墜朝
鏡雲生夜、軒翰林留著作禹穴護精靈地接曹娥廟天

低婺女星輝光同百世事品有餘馨

送太常奉禮郎劉仲庸以二宮命使南省繡金段龍

帳還京師二首

澤國李鷹舟風霜季子裘家依南越鳥身適大宛駟甲乙
惟虛夜蓬萊殿啟祇到京王母喜休語萬方憂
秋風吹蕨薇宮使別鄉關中夏蒼黃色孤舟錦繡輝勾驪
龍晝偃瑤水鳥雲飛萬一回天睽均裁大布衣

辛卯仲冬廿四日吳山游望

虹霓生海國薄暮太陽通經掩廣寒殿經橫長樂宮暈浮
蛾黛綠氣襟蜃樓紅顏得為龍衣端垂我聖躬

鷓鴣

蒼莽炎州地生成五色文不司天上曉常吐日邊雲孔翠
名復重鷓鴣鸞類孰分祇宜駭巨室切莫誑明君

藤

詰曲紫藤樹檀栾蒼葉敷時々上蠅蚩夜々走鼉鼉雨露
不偏沐風霜先自枯溪求造花理重笑水中蒲

送蘄利安之常州同知經橫林洛社舟中作二首

金湯遲建節班白半為魚烟冷魚商市霜晴鳥雀墟丹心
憂國遍畫舫上官初素著循良節蹟緩民早駕車
敗水流滿川茅舍啄鳥鳶垂喪期頤老猶傷乙亥年亂離

今日繼風俗幾時遷洛下衣冠俗族宜先解倒懸

感宗遺事二首 有引

文漸貴陽縣民元豐間母喪躬負土葬賴錫山中廬於墓側布素糲食而已日三時號慟有白黑雀各隻巢墳松間斑狸白蛇兔每自山下來顧視漸久之乃去又有白鴉及玉色雀千萬餘繞飛鳴縣令以聞勅賜粟帛文漸元豐士浮沉四百年孝魯蒙帝寵名復待予傳白兔歸蟾窟青松合墓田感懷龐禮部不忍釋遺編

高處士名釋長安人有古人絕行慶曆中召至京師欲命以官固時辭歸山特賜安素處士家貧妻子寒餒鄉人

或饋以財終不受閉門讀書而已昔王霸憐其子蓬米髮投米愧臥不起前賢之所難處士蹈之裕如也嘗見古老說種放隱終南山召拜起居舍人賜告西歸有一高士隱居三世以野菽一盤詩一篇贈放云接得山人號舍人朱衣前引到蓬門莫嫌野菜無多味我是三處士孫故國史有傳若夫志意脩則忘富貴惟安素可以無愧矣南安龐元英文昌錄中所紀如此英嘗為神宗

儀曹官

長安高處士氣得伯夷清安素承殊渥歸來遂隱名雪寒深屋臥夜雨一絰橫太白鴻飛濶思瞻紫翠晴

塞上曲五首

木葉滿關河，轅門肅珮珂。
將軍提劍舞，烈士繫壺歌。
月黑輝銅獸，風高嘯紫駝。
不堪城上角，五夜落梅多。
將令傳中閫，交驩決兩軍。
地形龍虎踞，陣伍鳥蛇分。
清野輝燕日，黃河馮岱雲。
生靈如有賴，絳灌不無文。
月照小長安，風生大將壇。
虎皮開玉帳，牛耳割銅盤。
伯氣寒逾肅，軍聲夜不驩。
皇天眷西顧，慎取一泥丸。
偉革帶鈎膺，聯鑣獵楚陵。
白肥霜後兔，青後海東鷹。
千里榛蕪闢，三年糧穀登。
中郎示間暇，呼酒出房蒸。
諸夏皇威立，三邊虜氣衰。
角弓分虎圈，乳酒下龍墀。
逢午

歌氛遠，鼉更窟宅移輿圖。
欲盡入中道，勿頌師

聞武昌廬州二蕃王渡海歸朝

茅土分封在金章渡海歸，事殊生馬角。
心愧著戎衣，星月晶光並山河。
帶礪非秋風，紫塞上依舊雁南飛。

贈李宣使

秋水淨菰蒲，天風送舳舻。
海雲紅日近，江國使星孤。
帝運無盆子，戎行有亞夫。
傷時離恨別，林下重咨諏。

和張率性推官小遊仙詞四首

西主春宴百娉婷，玉碧桃花滿洞扃。
自飲一杯瑤屑露，東風吹夢不曾醒。

銀河澹澹月輝輝、洞草岩花夕露微
笑踏青鸞作龍屬九天涼動五銖衣

雲幢烟節紫霞裾、御冷風集步虛若
受人間塵一點長門又屬漢相如

凌成今是五雲仙、得奉長書玉帝前
天上星河春似海人間風雨夜如年

登雙鳳普福宮東樓贈吳道傳時周境
在隱居君同席道人獨坐覽輝樓
海底青天入座流燕子飛來又飛去游

絲掛在玉簾鈎

樓殿岩堯上赤霞水紋蟠鳳臥
灵槎石棋盤靜香烟直簾

下凌頭百合花

題王若水墨鳩

澹竹花開百草叢、日暄風靜見沙虫
鷓鴣不忘相呼逐偶

與孤臣飲咏同

送堅上人歸省

高堂白髮不勝簪、大地叢林已遍叅
好去雕闌認春草、中萱是舊宜男

題焦白所畫其父奉礼府君夜直詩意
首有引

憶昨停驂便殿柳、溝風軟絮沾泥一
灣月子梨花上冷浸香雲伴鳥栖
石社稷署奉禮即焦君追念先朝春遇

之隆品作也君諱文炯字仲明淮陽人少通敏由文皇
東宮時說書為前職而卒白君之次子也日誦其詩尤
憊：不忘孝思于心乃手寫詩意畲屬予和其上詩曰
露濕金莖月轉西披香太掖淨無泥朶雲散盡千官影獨
見桐花小鳳栖

題林芝隱所藏龔翠岩臨昭陵什伐赤馬首

龔詩附

龔名闕宋季淮陰人自題云赤驥駝僧去玉闕換他白

馬載經還誰憐什伐蜚龍子贏得金創臥帝閑

風雨昭陵戰伐秋赤流汗血尚成溝盡工解貌千金骨不
抵東家牛戴牛

題馬和之園有桃詩意圖

華髮無情賦黍離何堪盡言衛風詩漢皇日宴西王母合
賜東方酒一卮

避地梁鴻山六言四首

舍邊新花夜合井上老樹冬青孟光齊眉舉案倪寬携鋤
帶經

三百銅錢斗酒一隻蠟屐千山莫問雲浮富貴且消天興

清閑

北里戎衣袴褶南隣墨勅斜封多我幽居水竹有誰高卧
雲松

林溪集卷二
風塵涉五六載忠孝錄數十人已判詩移白日更須藥駐
青春

重題余常清雲林四首

花搖暖溪雲蘿裊春輝月高坐無來人清琴數聲
蕙中洒風涼桃笙臥月色意行佳樹林濃露如雨滴
鶴鳴山館晨魚跳野塘午如何涼已深菰蒲數聲雨
積雪歌岩松回風簌溪篠道人不知寒焚香坐來曉

秦孝友先生迎享送神辭

有引

先生諱玉字德卿少游之裔受學于蛟峯方公隱居崇
明泚門弟子若干人先生卒門弟子以行業私謚孝友

請祠于州庠其子崇德儒學教授徵迎享送神辭于逢
辭曰

海東隅兮三洲完鼃鱉兮蛟龍湫羨聲教兮邈悠灵斯藏
兮道斯修道不行兮長邁祀學宮兮子孫永賴日薄渚兮
風林鳴如聞聲之馨歆楚葵青兮靡々牲甚肥兮酒甚
旨皎白駒兮焱馳儼衣冠兮疾止有聖賢兮依歸川魚泳
兮烏雲飛靡潜伏兮弗昭著靈自今兮欽孰違

雖稅美沈省掾從董叅政出師有功

沈君兼善

雖抚大藩阻江負山千秋獨松昱嶺其闕草風則塵漆水
則瀾帝十二載民脅寇禦遂據天險遂肆冥頑相侷董公

以請以安公威若、公師桓、公佐孔文弗猛而寬曰彼
霜露天用戒寒昨寇倒戈胡寧野丹民信不疑駢壺聯簞
市如其埽堵如其觀既肉我骨復完我殘昔顛而飢今坐
而餐羊牛鷄豚亦充于闈社賽廟享鬼神其歡佐我父母
公我王官匪父母私佐才寔難溪激其湍嶺業其盤陵夷
谷溪德功不刊

復三閭羨沈都事

帝千六載盜起是嶺蚊蚋空入螭螟附選黔黎煽變郡縣
傳警相臣先見兵且徐整乃鉤于塗乃咨于省僉謂沈公
遺愛是境俾佐廟謨往則綏靖公勇承命星駕露舍有單

其重有隻其馬扶携偶旅叩首馬下始公未來龍蛇草野
及公復來鷄豚并社冥頑不靈陶之坯治顛連無想庇之
大厦推輪于歌蹶跽于危王良韓哀安乎驅馳既貸以生
又訓以辭當人之恩僅止父師鯤魚躍矣必遨天池欲祝
之福有詔在達重閩峻厓舍精曜犧勒茲頌言永我去思

望江郎石

仲春天氣佳萬象欣改色我行六峯外遙見江郎石二儀
闢混沌牽牛委晶魄鼎列台輔姿玉蘊珪璋德三神浮瀛
海噴薄東一極鉅鼈因戴之仙宮晃金碧斯連厚坤軸乃
棄姑蔑域直上青蓮花或墮樵舍側安知非異境自与三

神敵于時攬溪秀雲霧忽巾幕微風稍飄飄空翠疑亂滴
雜英敷陽艷嘉木生午寂交々黃鳥音好在千丈壁二年
思晤對百里今咫尺烟波動落照道路陰已夕尚戀女媧
功躋踏向西北

周處讀書臺

偶遊鹿苑寺遂登孝侯臺當時斬蛟虎折節事賢材詩書
夜繼日奧義旋魚該篝燈委紅炮掛劍蝕青苔默語三十
篇若出造化裁純誠被幽魄勁氣躡上台翹々母望深急
々將命催蓋明哭塞叔子路死孔悝天不恤忠良寧馨真
禍胎吾侪千載下野袖相徘徊秋原風藿慘夕殿薊花開
白馬從素車恍渡秦淮來故都凡幾姓醜地餘叔灰此臺
異呼雁靈光共崔嵬私傷過英武不得盡奇才

送葛御史自永豐遷生母墓北還

春城澹欲秋晝日黯不輝諫官素車馬南州護喪歸々程
數千里居庸山光紫野素鳴雉穀津柳巢烏子時清無席
豺豢露歌徘徊生芻豈無人親戚羅上台淋魂久鬱々今
得歡投匹豐碑凌雲霄墓道臨警蹕為母有此即百世餘
耿光願言移孝節終始奉君王

題程負外撰汪夫人傳後傳附

弱齡身服直盛年髻束髮孤生况新寡不謂壽命遐墻陰

斷腸草牆外合歡花哀榮異本根且復藝桑麻
長雨露日以養夫幸後弟賢命子承祭享洋洋
靈在天蒼天在上忍為奔月娥冥心共泉壤

夫人名悌婺源下港里程昌文女也四歲父死于兵事
母汪以孝聞伯父草亭先生憐之選嫁名家子汪德裕
生一女而寡公始惧其不能安也使問之對曰妾不幸
夫亡尚幸公姑在得備奉養何忍更適人或勸之曰夫人
年少無子不以此時從良人後將何悔夫人曰吾聞女
不事二夫天也夫一而已夫死而遂去之是背天也或
又曰今嫁幸而有子不犹愈於特孤身托冷室乎夫人

泣曰吾父早世吾母守志數十年吾身一為汪家婦知
死汪家而已奚恤其他里之富人因媒妁具聘幣伺間
以請者數輩卒不許家貧紡績自給課童奴樹藝歲時
奉祭祀公姑歿喪塋盡禮今年已七十餘老矣猶執女
工不倦閭里姻戚稱夫人之德無間言初德裕後弟澤
民夫人子畜之及澤民長乃立其子梓為裕後梓事夫
人益孝謹如實生已程文曰予後閭老著書睹春官旌
表節義事甚悉率多京畿內郡之民間閭幽遠蓋罕焉
及讀陳助教繹曾作夏侯玉軫傳許卿善錄載許伯冬
妻頗與汪夫人類皆節義卓卓可以羽翼名教朝廷著

旌旌表之令風勸天下而有司莫之省使志行湮鬱不顯
 白于世悲夫予弟嘗為平江幕官嘗言某師妻詣官自
 陳願上所受封比齊民得再嫁嗚呼以礼坊民之猶
 有踰者若是哉予故論著汪夫人之事以俟察民風者覽焉
 題華亭呂德伯德厚伯仲市義卷

百里不販樵千里不販糶君家独市義人用羞債殖璜溪
 流湯之合境咸飲德頽然先处士首倡扞寇敵生死肉骨
 餘若稚仍仰食時予倏淹逝二子承世澤焚奠貴報天焉
 計鉏萬石田文昔卒此史称多賢客豈若伯仲間惠施本
 心臆我浮五湖舸撫卷增嘆息日青野蒼凉靡之漸烟白

昔比鹿犄角今比鳥戢翼襁負婦流亡來遊復阡陌官曹
 得公革自足蘓民力重懷吳恭伯三以讓去国淮南尺布
 謠同氣有遺戚贈言廣孝愛福祿將永錫

贈錢樣衮

錢塘錢慶餘系出吳越後眉豐日秀廣質礦氣冲厚家乘
 久曠僚青擅遵世守放膽論道義小心取升斗晨昏曲奉
 養及親未白首親終表其墓翠琰照林藪宗弟為人奴恐
 辱大父母贖婦故閭里甘苦願同受孝誠出天性薄俗所
 未有兒也美文墨婦也躬井臼衣冠俎豆間揖遜動曰某
 千載不平事醒醉嘗在口鎮西陸將軍遜庙食采地承松

人媚淫祀加置神木偶上疏乞去之以時致牲酒豺狼恣
跋扈鷹犬迫飛走衆方立殊勲而甘伏田畝行藏悉無愧
所愧寡知友竹光青連榻蘭艷綠當牖篇詩涉教化每諷
賓客右我嘗駛風帆卧數峯過九鱸尊一水外念子非狗
苟遭亂顛躓餘姑得屢握手高盟俎金石雅與謝塵垢偃
蹇七尺軀相視覓老醜春芳到鷓鴣生意付蒲柳勗哉令
善名是則窮谷叟

觀錢塘江潮時教化平章大譙江上

蒼々吳越山對峙東江腹江開白銀甕一浪天四蹴金晶
王高秋風露氣轉肅當年駭壯觀委巷雷擊穀今年官增

威旌麾被川陸羅衣繡龍鳳玉帶緣蚕粟牙床錦屏帷
毳隨步感溫詢香春陣婉々眉闌綠微聞伊梁音淥酒光

動穀鮮濃片晌盡望姓空側目惧成庾郎哀竊效杜陵哭
冥頑鱗魚彙屢覆舟萬斛臬雄扈將軍謂福建扈海元帥

竟作肌上肉大浸交烽火血齒腥草林地媪為之愁兼恐

河源縮敷聞靈胥庙歲祭莫敢躐三叫三酌觴願赤水

族錢王射強弩至今有遺鏃何當起英魂少助八州督時汝

州陷中原日無事海寓蒙景福尚虞多戕殘淚洒淚逃亡
屋

月夜醉歸舟中二首

推蓬滿船霜長嘯仰見曾清光溢懷袖披拂青燐滅身不
在隴頭無救水鳴咽
冰田一萬頃龍魚舞空明醉坐大蓮葉水底招台衡
光遠却散髮自吹笙

題觀瀑圖

中天瀉雪瀑清氣涵澗谷餘濺落人間犹作珠萬斛負手
者誰子於焉送遐矚

天池石壁

翠微蓄天池白晝積水黑窪涵南斗天峽東太古石初月
猿下飲先雷龍起蟄濯足者何人袖中有溟渤

鶴山下厲老人餉墨輩

老人餉墨輩殷勤貴適口形微素上鷺味勝杞下狗山肴
雜秬瓦盆注醇酒问我兵兵來此樂可曾有

觀兵姜城

震雷過高城草木咸敷榮大江流春氣一雨暢民情靡
芻蓋會蕭、車馬鳴無勞漢天子係虜賜長纓

古收軍行七首

少年快息讐辟家建邊勲手中弄銑鏡目空萬馬羣轉壁
入不毛水咽山流雲櫜還親撫哭悔識李將軍
義結豪俠場日趨燕趙風攻城數掠地帝賚主將功玉帶

十毬馬金鎗雙解弓，馬分賜誰赤脉千綠瞳。
大旗蕭々寒長檠，列萬夫令下鼓，邏鳴鐵騎分四驅塵黃。
日黑慘相視人色無鋒，交血濺野首將方援枹。
白月流銀河三五星，芒寒牛馬卧草上，帳幔羅雲端，鐃鼓
春容鳴衆饗，独鮮驩，羣虜在吾目，九地攢吾肝。
彼虜或有人，我師豈無名，上計貴伐謀，掩襲非示征，草塞
狼反顧，一水西流声，寇恂斬皇甫，餘子烏足程。
卻穀啟詩書，祭遵事雅歌，非才衍室名，覆敗誠不多，小范
真我師，匹馬雙導戈，咲擁兵十萬，夜下白鹿坡。
大鈞播万物，無言自功成，鄙生掉寸舌，不智遭鼎烹，非熊

為王師飯牛慙客卿，轅門鼓角動，整駕河漢橫。

攄懷六首

陰風動長淮，嘆奮三江滄，羈人滯中谷，鬱々憂弥臻，躑躅
就長道，延企望清塵，吳天回銀河，魏闕直鈞陳，西來一黃
鵠，翼欲覆八垠，中馬羅矰繳，孝烏共悲辛，南服奠會稽，西
江導峩岷，休明姑華夏，攬轡諒有人。
促織嘖々啼布穀，交々鳴士無濟世念，品庶同每生陰陽
運，四時日月麗太清，如何流離鳥卒不及善，名滄江增深
波，黃葉委前榮，漏半笳始寂，嗟彼星東橫，天命自阨窮，民
情何怔營，懷哉古大聖，待旦整朝纓。

大星動欲落草木氣含霜驚風薄前營步騎勢翕張美哉
同心友劍佩相徊徨游鴻噉荒徼冕兗竄崇岡旁碩阻太
湖不見舟與梁苟容諒非道單居念流光寒菊已復花蟋
蟀鳴我床結交兩憂患夙好終不忘

征塵一何黃征衣一何素衣素易染塵况復冠帶具忽
葉變秋穰：草溥露莽：関山長悒：歲月度豈無新相
知戀：情如故范叔未至寒絺袍受良難

曜靈升扶桑萬彙希朝采故山互蔽虧新陰復掩霽楚：
園葵花傾心若為待凱風幸時拂天道從小改客有採珠
人遠渡鴨綠海歸戀雙明月家喪踰十載兵烽何日息素

念無時怠引領望反照桑榆三四在

猗蘭生窮谷偶与惡木隣惡木集鴉鷄一旦摧斧斤婦人

白日晚躡履盼餘春滋露智古艷好風薦幽岑東君義相

望大夫惡得紉大夫紉秋佩卒染清跡塵九節石上蒲服

食良葆真蒲也真自葆蘭甘谷中老

題梅花士女

彼美空谷人梅花自前身手披先天易易心融大地春素衣

是霜雪孤根堅石鐵不夢趙師雄長終抱明月

往敷名開花二縣御掩骼

敷名一作陽明

分藩多賢勞不敏忝賓客雖無官守縻六復与言責二鄉

度刘禍恨甚長平厄先王制礼經孟春當掩骼僕夫有難
色歎段逸任策駁、度岡坂眇、循數澤稍、烟微青厯、
野四白游魂行草上遺老候道側我豈物役徒茲來出心
臆皇天久下憫赤子非寇敵鷓鴣鳥何不仁嘶啄血更瀝日
歌戰城南風悲淚狼藉

題沈氏死節卷有引

沈茗溪邵婦艾而美至正十六年為淮兵所逼投水垂
死適浙省都事張英過之命其下拯救得活且諭曰汝
配張官人不榮幸乎沈謝曰幸諸君活我、以夫遇害
知殉夫而已忍他問也既置舟中夜四鼓陰納束筋口

中面舟木觸喉而死張葵馬

黃金無罟礦白璧難混瑕坤裳義安貞適然暗塵沙寧死
嗚咽水不望昌蒲花感君回存妾、命薄如葉此心許所
天羅帶難再合君殊野鴛鴦妾非鬼蝴蝶清風何搖、吹彼溪上
苔山光浮蔭佩空響度瓊箫至今一坏土民自戒芻樵

題福天然開士水木軒

軒榮弥清華一水帶嘉木幽光湛溪黥餘潤裏高綠名緇
結長夏居然媚孤獨春皞灼、芳日冷踈、煜雲行天骸
卧境靜物理燭時諷霞上篇遠縱林下躅本源苟途舛文
字徒形措我来两忘言山童報茶熟

題邕常伯雲文閣

齋閣嘉樹窈幽徑綠苔滋美人琴尊暇焚香聊自怡天書
譎詭篆峰回裊窈姿因花紅變霧度州碧縈絲鵲尾黃金
鑄螭頭紫袖携神祖榮願俱意適清賞隨踈漏下深迥餘
馥尚委蛇宴安諒加儆移以奉親知

題黃常叔友古齋

彼美特立士素為御里欽蟬蛻諸汙濁鳳歌邁遐深宿雲
曉承宇泗溪日循林囊餘不琢玉壁有無弦琴、貴長蘊
古玉貴弗售今羲皇陶所慕管樂葛同心是山出地中采
者仰峯岑聖緒存著述試扣洪鐘音

過楊負外別業有序

至正十六年今大府開中吳時公先以杭州陷非罪被
黜依故人彰德路同知上海章元澤居或傳大府將起
公笑曰吾豈事二姓使果至公知不免往辭章曰某行
矣敢以家累君章曰及責當爾也既歸誨二子卣卓事
君立身之道乃就寢久之卣卓入見則謚死矣案上得
遺訓云死生如晝必有夜何足介懷吾老矣獲全臣節
死固甘心卣卓其以麻衣屨為斂歲時祭止蔬食此蓋
晚年至願卣卓益宜修省勿貽人誚也章殯之公名乘
字文載濟南人少負氣博涉經史由叅議府掾累官拜

監察御史遷浙省負外郎十八年中外臺臣昭雪其前
後事贈某謚某自蔭山東宣慰司都事卓清忠書院山
長

翠羽無深巢麝香無隱穴由來老蚌珠淚泣滄海月於予
楊員外竟類膏自藝憶昨左南省四境正騷屑朝廷忌漢
人軍事莫敢說遂罹池魚殃忠被柳忠黜寄身傍江潭乃
心在王室星躔錯吳分氣候乖鄒律天風搖青嶺徒步空
短髮譙玄初謝遣龔勝終守節譬如百鍊鋼不撓從寸折
又如合抱松豈藉澗底蘂我時浮扁舟鷗外候朝日荒郊
無留景別業自深鬱時清議大勸南忠公寃果昭晰大名流天

地當與河水竭结交自卓間遺言見餘烈

王孀薛書陳衆仲監丞傳後有引

相人李柔母陳兄嫂王之女三婦咸早寡守節里稱

三孀云

相州城中三羈雌相依相呼李樹枝青春雪白花照惟淚
痕點、髻絲、髻絲日夜短淚痕無時斷將影對孤月同
虧不同滿寫多忍間膠可煎旧御尚掛鴛央弦一門孀居
天使熬辱天何敢况辱先生當同室宛同穴史筆遂屬陳
蕭田嗚呼歲暮室谷裏佳人無媒垂老矣

徐本章權陳瀛三友陪游飛來峰還宴瀛面峰溪堂

東南名都萃炳灵山出萬朵芙蓉青其峰飛來竒嶄絕見
之身欵生羽翎金晶蘊結天地秀石樓盤困岩洞扇風高
力鬼負鰲極月黑毛女捫牛星時維奔雷急雨歇澗合源
泉魚藻活數声清磬猿嘯外百尺浮圖鶴巢末重江複湖
氣溟滓陰嵐晴霏翠鞦韆挺拔多異材可望不可識得非
共命鳥啣種自西域古松曾經尊宿坐恠藤一侶蛟龍踣
三友今日無凡憂揆竒覽勝忘少休鏘然矜佩崖壁面咳
吐散落室中漚傳車官馬素不到此乃是高人侍牧樵
徃、說題誌焉用某職煩雕鏤人生貴富如雲浮乘興再
登雲上頭桂香載道酒波瀉還坐大床酣宴秋於乎安得

三友為我常追遊

北丘耕隱歌贈韓山謝逸人

九山西南來韓為北道主鬱積氣饋餉盤薄秀鍾聚神丁
剗却蓬萊腹一鰲首戴奠茲土平原內史曾未睹崑陰谷
陽僅容與謝逸人者晉相孫玉樹其皎天球混素歌李渤
栖少室近比杜甫居東屯大田穰程橫跨泖高埭楊柳全
遮門有作古詩好有釀新酒渾酒收席帽醉詩對鐵笛論
指揚廉夫月號鉄笛翁下羅鴛堂同捫風露響落秋林根崖顛夷曠
擬築卧游閩泉竇寒冽願鑿杯飲尊頻年目苦兵塵昏長
材美箭無幾存兩荷洞鎖白蝠舞試劍石泐蒼精奔蘓吳

為治六復見龐公遺安良可羨自今三老雲霞交他日無
勞真隱傳

新舊庵辭

新庵丹堊輝庭戶旧庵四壁穿風雨新旧庵僧自相語新
者又築旧者碑說、玉珮紫金魚青松花間咲殺渠

連環歌有序

連環歌為杜先生夫婦而作也先生諱文開字陽父世
居江陰之君山教授數十年資束脩自奉妻吳辟疆以
助之天曆間菑荒孳徒散去先生竟餓死初吳昆弟屢
勸斬丘木粥墓地可少延性命先生在羸憊中堅持不

可繼歆挈吳以歸吳曰夫既盡孝妾獨不能以義自處
寧不食若粟遂相枕藉而卒後十一年逢過其里獲見
一古研乃先生故物其銘曰置之而水凝淒然其佶秋
噓之而露滋熙然其似春惟有德以自潤能不言而詔
人何以觀之吐墨如雲觀此益信其行噫先生之計善
矣當是時穀價踴貴人食樹皮糠覈非困於飢則殆乎
疹矧二者罹于垂老待盡之日料丘木墓地不過易斗
斛粟活旬日而死寄客土且身受不孝之名尚收父母
為地下遊乎先生卓然先見者以此吳生為士妻共患
難同貧賤道也夫既委順于正又肯愛餘齡就昆弟食

哉抑以昆弟之言非導人以義者也吳判然不移下從
良人者以此噫亦義矣哉使二人有一裹飯君子則天
理人倫反未必章々如此逢俱歲遠而事泯也故序而
歌之歌曰

白玉雙連環瘞在春中山々前夫婦義同死心与連環鎮
相偕日月合照無欠虧天地相依共終始天地日月非彈
丸環兮々冰雪寒

張春兒有引

春兒葉縣軍士李青妻也至正戊子青病革時年甫二
十青曰吾殆矣汝善事後人張截髮示信曰妾生寒門

頗曉夫婦大義萬一不諱惟有死耳青卒哭之垢面流
血且諭匠者造大棺將盡納其衣服劍器匠如其言既
歛張自縊庭樹下閭里遂同葬之有司上于省旌其墓
復其家独未有形容其心者故予補歌一章

紅顏夫婦羽林兒汗馬未騎身早萎娶時衣裝不忍見及
將殉葬心思徧衣裝憑妾得歸土妾今無恨苦復苦誓為
月魄入九泉長与地下夫團圓

憂傷四首上樊時中叅政蘓伯脩運使

古青徐十連五屬桑棗墟黃河失經人化魚呂梁設險豺
為徒船多纒通玉帛貢車多始登牛馬途守無官軍法度

踈居無鉅室城隍虛欲去鹵掠當何如合置官軍古青徐
歲久致君心煩行

竹笠黃時有盜戴竹黃金兜鍪勢相當兜鍪本居大將壇

左劍右印增威光邊隅將校望塵拜州縣曹佐聞風僵况

後元首授元柄稍忤言意違軍令不因苗疫自焚船那乃致

生靈輕隕命竹笠黃兜鍪相當難走藏兜鍪旦晚先戎行

官柳場青芒、野鷹交飛撲馬驤年、十月轅門張元戎

始來坐席席翼舒箕哆魚麗行鼓進金退兵家常起伏見

訖孫武子勾卒貽笑曹成王千夫散盡旌旗定偏裨隊伍

相呼應哉處私恩誤主恩一回酒令行軍令酒醉邊隅事

不聞邊隅擾、多烟氛

江海孺家、浮生多在船、居無租出無禁競賣田宅行

鹽錢私鹽漸多法漸密隩裏干戈攘白日尋常惡孽不肯

除本固枝蕃禍非一帟符龍節王者師赦過錄功先自欺

諫臣上疏劾已晚蔓延及今歸咎誰地官合為弘遠計鹽

價減徵同賦稅盜源既清民瘼除五風十雨歌康衢

送童子陽北上

中天繁星如撒沙婺女独与金爭華金華山人應星象閉

戶瀆書倉紫霞銅盤沆瀣碧於水瑤草石芝香裊、袖藏

明月双驪珠願獻元臣作克耳今年手分五朶雲染成五

色徂補文上期黼黻聖明帝下欵覆憐窮荒民風寒雪暮
陰曠昏梅花江國留兼旬春潮一夜上沙尾拂劍咲向黃
河津黃河動地翻海渾銀漢滉漾通昆侖太行羊腸路九
折不有壯志俱消魂吾王之門虎豹蹲赫燄矐眊毛牲
楯即戟士露肝膽不有意氣難為倫君才具美合致身少
壯易老毋遂巡商翁佐漢還遁去魯連却秦終隱淪功成
名遂信有在贈言聊識平生親

小七首歌

水精生苗月牙直彗芒披雲電流隱蜚蛇斷尾短草間海
鶻褪翎霜雪色宋斤魯削讓隋刻金錯錐刀豈其敵吳鴻

扈稽飛著骨不曾為主開邊鄙嗟茲神物久泥滓用之可
以報國士簷冰卓筋日黯空稍玩股掌生雄風鮫魚室卧
縞帶影長鉞辟易萬雉墉古昔客堪秦王胸几仆翠鳳咸
陽宮由來意氣泰山重命甘燎毛不旋踵誰隳古制鑄小
之佩稱衣冠加玳瑁我歌三嘆淚滿裾曹鱗豫聶無時無

孫道綯有引

龍江曾見可家藏宋樂府中 載縉華鬼仙汝州官妓
詞皆淫靡後讀建安黃雲軒知縣妻孫氏醉思仙詞曰
霽霞紅看山凝暮紫烟暗孤松動霓裾風袂翩若驚鴻
心似鑿髻如蓬弄清影月明中謾悲涼歲冉、薜花潛

改衰容前事消凝久十年光景匆匆念雲軒一夢回首
春空采鳳遠玉簫寒夜悄恨無窮嘆黃塵久埋玉斷
腸揮淚東風殆見孤凰於百鳥群也因表出之孫名道
絢中原人能文詞盛年孀節卓偉鄉族尊之
白鶴山中雪衣女花靜春移綺窗戶夢逐雙鳧天外飛影
作孤鸞鏡中舞鏡中舞鳴聲悲殘編留得斷腸詞天寒翠
袖渺何所日暮碧雲無限思

丁清風有序

余作衛女引之明日於宋樂府復得一婦人焉曰蜀士
大夫妻丁氏美姿色善詩文自號清風居士宣和間夫

浮家赴闕求調王黼薦丁姓名于禁中時尚文女即才
慧者多得選於是百召見丁曰吾夫庶官吾非命婦
安有入內見君之理不敢拜命且謂夫曰君素非貪冒
富貴者何苦自辱題詩汴邸竟不知所如往詩曰西嶺
雌雄鳥双双覽德輝陽臺遲雨散滄海會塵飛夜月參
差玉春雲窈窕衣君王宴阿母却寄碧桃歸是日客有
談都城事者有感併補一章

河洲冰膠雲塞野林栖睢鳩歸牝馬收書驚見双青鳧
蕭
郎弄玉風斯下金水暗侵燕地氛明月長掛真珠裙靚
花碧宴紫府双星在天灵夜語宣和皇帝何如主

投贈柯博士 名九思字敬仲

鍾阜天回王氣新
 憶君扈校入楓宸
 旋乎內難索弓矢
 遂沐殊恩列縉紳
 元宰或同司雨露
 史官曾擬奏星辰
 羽旌影動宮花日
 龍鼎香傳禁樹春
 白馬獨遊絲鞚好
 繆雙賜玉壺醇
 委蛇退食收金鑰
 休惕存心表翠珉
其父皇常賜
訓忠碑三絕鄭虔親
 帝許四愁平子舊
 誰倫僑居暫作東
 吳客奉引依然上
 國賓稔歲葑田饒
 蟹稻高秋松水長
 鱸純神馳紫塞風
 生角夢隔瑤池月
 照袖白首馮唐仍
 晚遇青袍杜甫豈
 長貧明河近望清
 如洗行駕仙槎復
 問津客金陵遇有
 以茂才异等為薦
 者以病歸泊龍灣
 二

